

Lescha communal davart la construcziun da habitaziuns e la meglieraziun dallas cundiziuns da habitar el territori da muntogna

Art. 1

La vischnaunca promova el rom dalla lescha cantunala

Intent

- davart la promoziun da habitaziuns e dalla proprietad dils 4 d'october 1984
- dall'ordinaziun tier la lescha davart la promoziun da habitaziuns e dalla proprietad dils 30 da november 1981
- dall'ordinaziun tier la lescha davart la construcziun da habitaziuns socialas e la meglieraziun dallas cundiziuns da habitar el territori da muntogna dils 5 d'october 1984.
- sin fundament dallas disposiziuns executivas tier la lescha davart la construcziun da habitaziuns socialas e la meglieraziun dallas cundiziuns da habitar el territori da muntogna dils 2 da december 1985

la construcziun da habitaziuns e la meglieraziun dallas cundiziuns da habitar el territori da muntogna cun:

contribuziuns a personas privatas, a corporaziuns da dretg public, ad impressaris, fundaziuns e corporaziuns cun intent public per megliar las cundiziuns da habitar per famiglias cun entradas mudestas e cun silmeins dus affons, per personas invalidas ed attempadas.

Art. 2

Per promover la construcziun da habitaziuns socialas conceda la vischnaunca contribuziuns annualas vid ils tscheins da capital d'uront sil pli pauc tschun e sil pli bia diesch onns.

Mieds

Vid las mesiras per megliar las cundiziuns da habitar el territori da muntogna conceda la vischnaunca singulas contribuziuns senza tscheins che ston buca vegnir restituidas.

Las expensas annualas dalla vischnaunca per las prestaziuns menziunadas ell'alinea 1 e 2 astgan buca survargar la summa da fr. 30 000.– ad onn.

| | | | | | |
|----------------------------------|--|---------------|----------------------|-------------------------|-------------------------|
| Prestaziuns e premissas | <p>Art. 3 L'altezia dallas prestaziuns dalla vischnaunca e las premissas per retrer talas prestaziuns sedrezzan tenor las prescripziuns cantunalas.</p> <p>Las prestaziuns consistan en la concessiun da contribuziuns annualas vid ils tscheins da capital ni da singulas contribuziuns vid ils cuosts totals dall'investiziun.</p> | | | | |
| Ulteriuras premissas | <p>Art. 4 La concessiun da contribuziuns a persunas singulas e giuridicas premetta che quella persuna sa cumprovar ch'ella ha dapi silmeins 5 onns domicil fiscal en vischnaunca.</p> <p>La suprastonza communal decide davart excepziuns en cass da direzia.</p> | | | | |
| Procedura | <p>Art. 5 Las damondas cun motivaziun e tut las cumprovas necessarias ein d'inoltrar en scret alla suprastonza communal. Quella decide lu el cass normal enteifer 30 dis.</p> | | | | |
| Cuoz, suspensiuns e restituziuns | <p>Art. 6 Las contribuziuns communalas vegnan concedidas per il medem temps e sco las contribuziuns cantunalas.</p> <p>Davart eventualas suspensiuns e restituziuns valan las prescripziuns cantunalas.</p> | | | | |
| Vigur | <p>Art. 7 Questa lescha entra en vigur cun l'approbaziun dalla radunonza communal.</p> <p>Questa lescha ei vegnida acceptada dalla radunonza communal ils 28 d'october 1988.</p> <p>La suprastonza communal da Laax</p> <table border="0" style="width: 100%; margin-top: 20px;"> <tr> <td style="width: 50%;">Il president:</td> <td style="width: 50%;">Il scarvon communal:</td> </tr> <tr> <td><i>E. B. Hangartner</i></td> <td><i>Augustin Killias</i></td> </tr> </table> | Il president: | Il scarvon communal: | <i>E. B. Hangartner</i> | <i>Augustin Killias</i> |
| Il president: | Il scarvon communal: | | | | |
| <i>E. B. Hangartner</i> | <i>Augustin Killias</i> | | | | |